



Ауыл шаруашылығы өнімі өндірісін басқару жүйелерін субсидиялау қағидасын бекіту туралы

Қазақстан Республикасы Үкіметінің 2011 жылғы 31 наурыздағы № 326 Қаулысы «2011 — 2013 жылдарға арналған республикалық бюджет туралы» Қазақстан Республикасының 2010 жылғы 29 қарашадағы Заңын іске асыру мақсатында Қазақстан Республикасының Үкіметі ҚАУЛЫ ЕТЕДІ:

1. Қоса беріліп отырған Ауыл шаруашылығы өнімі өндірісін басқару жүйелерін субсидиялау қағидасы бекітілсін.
2. Осы қаулы алғашқы ресми жарияланған күнінен бастап қолданысқа енгізіледі.

Қазақстан Республикасының
Премьер-Министри К. Мәсімов
Қазақстан Республикасы
Үкіметінің Ресpubликасы
2011 жылғы 31 наурыздағы
№ 326 қаулысымен
бекітілген

Ауыл шаруашылығы өнімі өндірісін басқару жүйелерін субсидиялау қағидасы 1. Жалпы ережелер

1. Осы Ауыл шаруашылығы өнімі өндірісін басқару жүйелерін субсидиялау қағидасы (бұдан әрі - Қағида) Қазақстан Республикасының «Агроенеркәсіптік кешенді және ауылдық аумақтарды дамытуды мемлекеттік реттеу туралы» 2005 жылғы 8 шілдедегі, «2011 - 2013 жылдарға арналған республикалық бюджет туралы» 2010 жылғы 29 қарашадағы заңдарына сәйкес әзірленді және агроенеркәсіптік кешен салалары кәсіпорындарының халықаралық стандарттарды әзірлеу, енгізу және сертификаттау жөніндегі шығындарының құнын субсидиялау тәртібін белгілейді.

2. Субсидиялау 051 «Ауыл шаруашылығы өнімдері өндірісін басқару жүйелерін субсидиялау» республикалық бюджеттік бағдарламасы (бұдан әрі - бағдарлама) бойынша 2011 - 2013 жылдарға арналған республикалық бюджет қаражаты (бұдан әрі - қаражат) есебінен жүзеге асырылады.

3. Осы Қағидада мынадай ұғымдар мен анықтамалар пайдаланылады:
 - 1) бағдарламаның әкімшісі - Қазақстан Республикасы Ауыл шаруашылығы министрлігі;
 2. ИСО (ағылш. ISO - International Standard Organization) - сапа менеджменті жүйесі;

3) іріктеу - 2011 - 2013 жылдарға арналған республикалық бюджетте көзделген қаражатты бағдарламаға қатысатын тапсырыс беруші-қатысуышылар арасында бөлу үшін оларды айқындау;

4) сәйкестікті раставу жөніндегі орган - сәйкестікті раставу жөніндегі жұмыстарды орындау үшін белгіленген тәртіппен аккредиттелген заңды тұлға;

5) сертификаттау - сәйкестікті раставу жөніндегі орган өнімнің, қызметтердің белгіленген талаптарға сәйкестігін жазбаша түрде куәландыратын рәсім;

6) тапсырыс беруші - халықаралық стандарттарды әзірлеу, енгізу және сертификаттау сатысындағы агрономикалық кешен субъектісі;

7) тапсырыс беруші-қатысуышылар - бағдарламаны іске асыруға қатысатын тапсырыс берушілдер;

8) тартылған консультант - халықаралық стандарттарды әзірлеу, енгізу жөніндегі консалтингтік (консультациялық) қызметтерді жүзеге асыратын заңды немесе жеке тұлға;

9) халықаралық стандарт - стандарттау жөніндегі халықаралық ұйым қабылдаған және тұтынушылардың қалың көшілігі қол жеткізе алғатын стандарт;

10) ХАССП (ағылш. HACCP - Hazard Analysis and Critical Control Points) - тамақ өнімдері қауіпсіздігін басқару жүйесі;

11) штаттағы консультант - халықаралық стандарттарды әзірлеу, енгізу жөніндегі консалтингтік (консультациялық) қызметтерді жүзеге асыратын жеке тұлға, тапсырыс берушінің қызметкері.

4. Тартылған консультантқа қойылатын талаптар:

1) штатында тиісті дипломдары, семинарларды, курсарды бітіргені туралы сертификаттары және халықаралық стандарттарды әзірлеу және енгізу жөнінде жұмыс тәжірибесі бар халықаралық стандарттарды әзірлеу, енгізу және сәйкестігін одан әрі раставу саласындағы білікті мамандардың болуы (заңды тұлғалар үшін);

2) тиісті дипломының, семинарларды, курсарды бітіргені туралы сертификаттының және халықаралық стандарттарды әзірлеу және енгізу жөнінде жұмыс тәжірибесінің болуы (жеке тұлғалар үшін).

5. Штаттағы консультантқа қойылатын талаптар:

1) тиісті дипломдарының, семинарларды, курсарды бітіргені туралы сертификаттының және халықаралық стандарттарды әзірлеу және енгізу жөнінде жұмыс тәжірибесінің болуы (жеке тұлғалар үшін);

2) тапсырыс берушінің сапа қызметінің қызметкері ретінде кемінде екі жыл жұмыс тәжірибесі.

6. Республикалық бюджеттен төленетін қаражат сомасы халықаралық стандарттарды әзірлеу, енгізу және сертификаттау жөніндегі жобаның бүкіл құнынан тапсырыс беруші-қатысуышы шығынының 50 %-ынан аспайды.

2. Ауыл шаруашылығы өнімі өндірісін басқару жүйелерін субсидиялау тәртібі

7. Бағдарламаны іске асыруға қатысатын тапсырыс берушілерге іріктеуді жүргізу үшін бағдарламаның әкімшісі құрамында комиссияның төрағасы, мүшелері мен хатшысы бар комиссия (бұдан әрі - Комиссия) құрады.

Комиссия төрағасы атқаратын лауазым бағдарлама әкімшісінің департамент директоры деңгейінен, ал комиссия мүшелерінің лауазымдары - бас сарапши деңгейінен **төмен болмауы тиіс.**

Комиссия құрамы бюджеттік бағдарлама әкімшісінің жауапты хатшысының **бұйрығы мен бекітіледі.**

Комиссия құрамына бюджеттік бағдарлама әкімшісінің мүдделі құрылымдық бөлімшілерінің өкілдері кіреді, бұл ретте Комиссияның сандық құрамы тақ және кемінде бес адам болуы тиіс. Комиссия хатшысы комиссия мүшесі болып табылмайды.

8. Бағдарламаның әкімшісі облыстар, Астана, Алматы қалалары әкімдіктерінің ауыл шаруашылығы басқармалары (бұдан әрі - басқармалар) ұсынған тізім бойынша барлық тапсырыс **берушілерге шақыру жібереді.**

9. Комиссия бағдарламаны іске асыруға қатысатын және мынадай өлшемдерге сай келетін тапсырыс берушілерге іріктеуді жүзеге асырады:

- 1) Қазақстан Республикасының **резиденті (заңды тұлғалар үшін);**

2) Қазақстан Республикасының азаматы (жеке тұлғалар үшін);

3) салық берешегінің және бюджетке төленетін басқа да міндетті төлемдері бойынша мерзімі **үш айдан асып кеткен берешегінің болмауы.**

10. Тапсырыс беруші енгізуді Қазақстан Республикасының азаматтық заңнамасына сәйкес шарттық негізде тартылған консультант қамтамасыз ететін халықаралық стандартты (ИСО 9001, ИСО 22000, ХАССП) пайдаланады не штаттағы консультант **болғанда оны дербес енгізеді.**

11. Иріктеуге қатысуға ниет білдірген тапсырыс берушілер осы Қағидаға 1-қосымшаға сәйкес нысан бойынша тапсырыс берушінің бірінші басшысы немесе өтінімге қол қою құқығына тиісті түрде ресімделген сенімхаты бар тұлға қол қойған, тапсырыс берушінің мөрі басылған, жабық конвертке салынған өтінімді Комиссияға **ұсынады.**

12. Отінімге :

1) Қазақстан Республикасының салық төлеушісі куәлігінің нотариалды **куәландырылған көшірмесі (СТН);**

2) өтінімдер салынған конверттерді ашу күнінің алдындағы **үш айдан аспайтын мерзімде берілген салық берешегінің және бюджетке төленетін басқа да міндетті төлемдері бойынша берешегінің болмауы немесе болуы туралы тиісті салық органының бірінші басшысының немесе қол қоюға құқығы бар тұлғаның қолы**

қойылып, мөрі басылған белгіленген нысандағы анықтамасының түпнұсқасы;

3) тапсырыс беруші мен сәйкестікті растау жөніндегі орган арасындағы сертификаттауды жүргізу туралы шарттың нотариалды куәландырылған көшірмесі;

4) тапсырыс берушінің мемлекеттік тіркелгендігі (қайта тіркелгендігі) туралы куәліктердің нотариалды куәландырылған көшірмелері;

5) өтінімге тапсырыс берушінің бірінші басшысының қолы қойылмаған жағдайда өтінімге қол қою құқығына арналған сенімхат;

егер тапсырыс беруші халықаралық стандартты дербес енгізген жағдайда, консалтингтік (консультациялық) қызметтер көрсететін тапсырыс берушінің негізгі қызметкерлерінің түйіндемесі (тегі, аты, әкесінің аты, лауазымы, білімі, кәсіби тәжірибесі, іске асырылған жобаларға қатысуы және байланыс ақпараты, тиісті дипломдарының, семинарларды, курсарды бітірген туралы сертификаттарының белгіленген тәртіппен куәландырылған қоса берілген көшірмелері) қоса беріледі;

егер халықаралық стандарттың енгізілуі тартылған консультантпен қамтамасыз етілген жағдайда :

1) тартылған консультантпен жасалған халықаралық стандарттарды әзірлеу, енгізу жөніндегі консалтингтік (консультациялық) қызметтерді көрсетуге арналған шарттың нотариалды куәландырылған көшірмесі;

2) занды тұлғалар үшін мемлекеттік тіркелгендігі (қайта тіркелгендігі) туралы куәліктердің нотариалды куәландырылған көшірмелері және жеке тұлғалар үшін жеке кәсіпкердің мемлекеттік тіркелгендігі туралы куәліктердің нотариалды куәландырылған көшірмелері;

3) тартылған консультант туралы қысқаша ақпарат (компанияның даму тарихы, компания қызметінің негізгі бағыттары, халықаралық стандарттарды әзірлеу, енгізу бойынша іске асырылған жобалар жөніндегі ақпарат, ауыл шаруашылығы өнімін қайта өндеу жөніндегі кәсіпорындармен халықаралық стандарттарды әзірлеу, енгізу бойынша жұмыс тәжирибелі);

4) тартылған консультанттың халықаралық стандарттарды енгізуіді жүзеге асырған клиенттері туралы ақпарат (мекенжайы, байланыс телефондары, e-mail);

5) тартылған консультанттың консалтингтік қызметтер көрсететін негізгі қызметкерлерінің (занды тұлғалар үшін) түйіндемесі (тегі, аты, әкесінің аты, лауазымы, білімі, кәсіби тәжірибесі, іске асырылған жобаларға қатысуы және тиісті дипломдардың, семинарларды, курсарды бітірген туралы сертификаттардың белгіленген тәртіппен куәландырылған көшірмелері қоса берілген байланыс ақпараты) қоса беріледі.

13. Өтінім және қоса берілетін барлық құжаттар бір пакетке тігілуі, нөмірленуі тиіс, соңғы бетінің артқы жағындағы жіптің ұшы «____» парақ тігілді және нөмірленді. Күні 20____ жылғы «____» ____ деген сөздер жазылған қағаз парапен желімделуі, тапсырыс берушінің лауазымды адамының қолы қойылуы және тапсырыс берушінің мөрімен бекітілуі тиіс. Конвертте тігілмеген жекелеген құжаттар болған кезде мұнданай

құжаттарды комиссия қарамайды және тапсырыс берушіге қайтарылады.

14. Өтінімдер салынған конверттерді ашу рәсімі бойынша бес жұмыс күні ішінде өтінімдер салынған конверттерді ашу хаттамасы жасалады, оған комиссия төрағасы және мүшелері қол қояды.

15. Комиссия өтінімдер салынған конверттерді ашқан күннен бастап он бес жұмыс күні ішінде жекелеген отырыста тапсырыс берушілердің өтінімдерін олардың толықтығы мен осы Қағиданың талаптарына сәйкестігі мәніне қарайды.

16. Осы Қағиданың талаптарына толығымен сәйкес келетін тапсырыс берушілер комиссияның шешімімен тапсырыс беруші-қатысуышылар болып белгіленеді.

17. Шығындарды субсидиялау үшін әрбір тапсырыс беруші-қатысуышыға бөлінетін қаражат көлемінің үлесін комиссия халықаралық стандарттарды әзірлеу, енгізу және сертификаттау жөніндегі жобаның барлық құнынан тапсырыс беруші шығындарының сомасына тікелей бара-бар түрде белгілейді.

18. Комиссия отырысында ұсынылған құжаттарды қарау және өтінімдерді бағалау хаттамасы (бұдан әрі - комиссия отырысының хаттамасы) жүргізіледі. Комиссия шешімінің нәтижелері комиссия отырысының хаттамасында көрсетілуге тиіс, онда тапсырыс беруші-қатысуышылардың атауы, орналасқан жері, тапсырыс беруші-қатысуышылар айқындалған өлшемдер, тапсырыс беруші-қатысуышыларға бөлінетін субсидиялардың көлемі, сондай-ақ өтінімдердің қабылданбау себептері көрсетіле отырып, белгіленген талаптарға сай келмейтін тапсырыс берушілердің атауы көрсетіледі.

19. Комиссия отырысының хаттамасы отырыс өткізілген күннен бастап бес жұмыс күні ішінде ресімделеді, оған комиссия төрағасы және мүшелері қол қояды. Комиссия шешімі барлық тапсырыс берушілерге жазбаша хабарланады.

20. Тапсырыс беруші-қатысуышыларды хабарландырған күнінен бастап күнтізбелік отыз күн ішінде бағдарлама әкімшісі мен тапсырыс беруші-қатысуышы арасында қаражат аудару тәртібі мен шарттарын, тараптардың жауапкершілігін және өзге де талаптарды көздейтін шарт жасалады.

21. Халықаралық стандарттарды әзірлеу, енгізу және сертификаттау жөніндегі жұмыс тиісті жылдың 1 желтоқсанына дейін аяқталуы тиіс.

22. Субсидиялар алу үшін тапсырыс беруші-қатысуышы бағдарламаның әкімшісіне мұнадай растайтын құжаттарды:

1) осы Қағидаға 2-қосымшаға сәйкес нысан бойынша халықаралық стандарттарды әзірлеу, енгізу және сертификаттау жөніндегі тапсырыс беруші-қатысуышының шығындарын субсидиялауға арналған өтінімді;

2) тартылған консультант (консультантты тартқан жағдайда) пен тапсырыс беруші-қатысуышы қол қойған, орындалған жұмыстар актілерінің (бухгалтерлік) нотариалды күеландырылған көшірмелерін;

3) сәйкестікті растау жөніндегі орган мен тапсырыс беруші-қатысуышы қол қойған

сертификаттау жөніндегі орындалған жұмыстар актілерінің (бухгалтерлік) нотариалды
куәландырылған көшірмелерін;

4) тартылған консультантты тартқан жағдайда) пен сәйкестікті растау
жөніндегі органның қызметтеріне тапсырыс беруші-қатысуышының ақы төлегені туралы
төлем тапсырмалары мен шот-фактуралардың тапсырыс беруші-қатысуышының мөрі
мен қолы қойылған көшірмелерін уе қызметтерге ақы төленгенін растайтын өзге де
құжаттардың көшірмелерін;

5) сапа сертификатының нотариалды куәландаудырылған көшірмелерін ұсынады.

23. Осы Қағиданың 22-тармағында көрсетілген құжаттарды тапсырыс
беруші-қатысуши бағдарлама әкімшісіне тиісті жылғы 10 желтоқсаннан кешіктірмей
ұсынады.

24. Бюджеттік бағдарламаның әкімшісі растайтын құжаттарды қарағаннан кейін
осы Қағидаға 3-қосымшаға сәйкес нысан бойынша екі данада субсидиялар төлеу
ведомосын қалыптастырады.

25. Тапсырыс беруші-қатысуышыларға субсидияларды төлеу үшін бағдарламаның
әкімшісі Қазақстан Республикасы Қаржы министрлігі Қазынашылық комитетінің
аумақтық бөлімшелеріне төлеуге арналған шоттардың тізілімін екі данада және төлеуге
арналған шотты ұсынады.

26. Іріктеу жүргізу кезінде қаражат толық бөлінбеген жағдайда, сондай-ақ тапсырыс
беруші-қатысуышылар бөлінетін субсидиядан бас тартқан жағдайда, бағдарламаның
әкімшісі іріктеудің жүргізілетін күні мен орнын бекіте отырып, қайта іріктеу жүргізеді.

Қайта іріктеу осы Қағидаға сәйкес жүргізіледі.

Ауыл	шаруашылығы	өнімі
өндірісін	басқару	жүйелерін
субсидиялау		қағида
1-қосымша		
Өтінім		

(тапсырыс берушінің атауы)

051 «Ауыл шаруашылығы өнімдері өндірісін басқару жүйелерін субсидиялау»
республикалық бюджеттік бағдарламасын іске асыруға қатысуға ниет білдіреді.

1. Бағдарламаны іске асыруға қатысуши туралы мәліметтер
Толық атауы _____

Занды мекенжайы _____

Нақты мекенжайы, телефондары, факсы, электрондық мекенжайы

Жарғылық капиталының мөлшері, теңге _____
Меншікті капиталының мөлшері, теңге _____

Құрылтайшылар _____
Банктік деректемелері _____
Бірінші басшының Т.А.Ә., қызметтік және үй телефондары _____

Негізгі қызметінің түрі _____
Жылдық айналымы, сомасы _____
Қызметкерлердің нақты саны _____
2. Тартылған консультанттың қысқаша сипаттамасы
Толық атауы _____

Ауыл шаруашылығы өнімін қайта өндешу жөніндегі кәсіпорындарда сапа менеджменті жүйелерін өзірлеу, енгізу жөніндегі жұмыс тәжірибесі

Сертификат алған кәсіпорындардың саны _____
Занды мекенжайы _____
Нақты мекенжайы, телефондары, факсы, электрондық мекенжайы _____

Құрылтайшылар _____
Бірінші басшының Т.А.Ә., қызметтік және үй телефондары _____

Қызметкерлердің саны _____
3. Жобаның қысқаша сипаттамасы
Жобаның жалпы құны _____
Төлем шарттары _____

Жоба бойынша жұмыстардың басталған және аяқталған күні _____

P/c №	Жұмыстардың кезеңдері мен түрлерінің атауы	Құны (тенге)	Жұмыстардың басталған және аяқталған күні	Оның ішінде орындалған жұмыстардың актісі ұсынылды

4. Жобаны іске асырудан жоспарланатын нәтижелер

М.О. _____

(лауазымы, Т.А.Ә.) (қолы, күні)

А у ы л
ө н д і р і с і н

ш а р у а ш ы л ы ғ ы
б а с қ а р у

ө н і м і
ж ү й е л е р і н

сұбсидиялау

қағидасына

2-қосымша

**Халықаралық стандарттарды әзірлеу, енгізу және
сертификаттау жөніндегі тапсырыс беруші-қатысушының
шығындарын субсидиялауга арналған
етінім**

Күні 20__ ж.

Осымен тапсырыс беруші-қатысуши _____ Қазақстан

Республикасы Ауыл шаруашылығы министрлігінен
200__ жылғы ____ № ____ халықаралық стандарттарды әзірлеу, енгізу және
сертификаттау жөніндегі қызметтердің құнын субсидиялау туралы шартқа сәйкес 051 «
Ауыл шаруашылығы өнімдері өндірісін басқару жүйелерін субсидиялау»
республикалық бюджеттік бағдарламасы бойынша тапсырыс берушінің (банк атавы) №
_____ шотына республикалық бюджеттен____ тенге сомасында қаражат аударуды
сұрайды.

М.О.

(кәсіпорынның атавы) (кәсіпорынның бірінші басшысының қолы мен Т.А.Ә.)

А у ы л ш а р у а ш ы л ы ғ ы ө н і м і
ө н д і р і с і н б а с қ а р у ж ү й е л е р і н
с у б с и д и я л а у қ ағида сына

3-қосымша

«Бекітемін»

Қазақстан

Республикасы

Ауыл

шаруашылығы

министрлігінің

ж ау а п т ы

х а т ш ы с ы

20__ жылғы «__ » № __

051 «Ауыл шаруашылығы өнімдері өндірісін басқару жүйелерін субсидиялау»
республикалық бюджеттік бағдарламасы бойынша субсидиялар төлеуге арналған
ведомость

Р/с №	Тапсырыс берушінің атавы	Субсидиялауга арналған шарттың № және күні	Барлық көрсетілген қызметтер сомасы (төнге)	Оның ішінде		Төлеуге жататыны (тенге)
				консультациялық	сертификаттық	

Төлеуге жататын сома _____ тенге
(цифмен, жазбаша)

Қайта өндеу өнеркәсібін және аграрлық азық-түлік нарығын дамыту департаментінің директоры

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК